

MANITOBA ININIWAK KÁ MÁMAHÓKAKIK KÉ ISI KISKINAWÁMÁKÉCIK ÓMA KÁ NÓCITÁCIK SÁPO KISKINAWÁMÁTOWINA KITA TÁTI MINOPANIT ININIW KÁ ISI PAMINIKÁTÉKI

KÁ KÍKÁYÍWAK ININIWI KISKINAWÁMÁKÉWINA TA NIKÁNAKITÉKI

Ninanán óma ká nákcitáyák óki sápo kiskinawámátowina óta Manitoba, nimanawákcikáténán ókik okiskinawámawáwak éko anikik okiskinawámákéwak óma ota ká pétáciik sápo kiskinawátowikokwa anihí otininiwi kiskénitamowina, kayité isicikéwin ká isi kiskinawámát ininiw. Ékwanik óki ta ápatanwa ta kakéskinahócikániwaki óma awasimé ta kisténicikáték ininiwi kiskénitamowin éko táti ánisó ápatakí óma kakinaw éyako táti isi nanátawi kiskinawámáciik óta Manitoba.

Ni nisitawinénán óki ká isi kinawápacikátéki éko ká isi nisitotakik ókik Anisinápéwak, Ápitawikosisának éko anihí Eskiméwak okiskinawámawáwak inikok wistawáw kákipé isi pimácihocik, ité kapé ocíciik, opikiskwéwiniwáw, ká isi mamitonénitakik kékwána, anihí kayité kákipé isi kiskénitakik éko kákipé isi pamihisocik. Ni nisitawinénán anihí otisi kiskénitamowiniwáwa ókik nanátok ininiwak óta kákipé isi pitakwatáciik ta mino ápataninik.

Ni nisitawinénán óma ta nísókamátot ókik nanátok anisininiwak anima káki itasték Okimáwi asotamákéwinik, Ininiw éko Okimáwi asotamákéwina ká isi kinawápacikok pimácihowin ká itasték Kici wanasowéwin Canadian Constitution ká itakik éko anihí Ininiw onisitotamowin ési tipénitakoninik kékwána ká itasinahikátéki anta Okimáwi asotamákéwinik. Kákipé isi kitimahikawiyak éko kakinaw kékwána kákipé pikonak awa émistikósíw aspin óta káki takosik anihí kitisi pimácihona kiyápic ki pimi pakamiskákonaw ékwéniw.

Ni nisitawinénán éko nitwápaténán ta itotamák asotamákéwin éko é itapiyak óma ká níkanakisoyák okiskinawámákéwak, ta ayamihistaman éko ta kiskinawámákániwak anihí kákipé isi pimácihot kayité ininiw éko kiyápic ékwáni ta ápatakí wina é kisténicikáték, inikok ká itasinahikáték anta Kici Wanasowéwin masinahikan *UN Declaration on the Rights of Indigenous People*. ká itakik.

Óma kákihiótowin ókik oci Anisinápéwak éko kotakak Ininiwak ota Manitoba natawénitákon ta mino wicéwitocik éko ta nísókamátocik óma kékwána káwi isicikániwak ta oci mino wicicikémitocik. Ékóma ta oci wanastániwan ité ké oci kiskénitakik ta isi kisténitakik éko ta minénitamihiokik ókik nanátok ká isi paminikátéki nistom pimácihona. Ékota óma ta natawénitákosíwak ókik otitáwiniwák ká ayáciik pá pakán ta mino wíatoskémítocik éko ta ná nísókamátocik kékwána, wina inikok ta tápitawi kakitotitocik óma oci kákipé isinákoc káyásk acimowin éko oté níkanik táti máwaw mino kiskénitamak ta ápacitáyák. Ékota óma ta natawénicikátéw ta kiséwátotatik anihí anta káki wicikátéki Tápéwéwin éko Mino Kákihiótowin Okimáwi Wanasowéwin anta oci Canada. Káki masinahak anima oci kiskinawámákéwina awa ká akimit písím June 2nd, 2015.

ÉKWÁNIK ÓKOK ÓTA SÁPO KISKINAWÁTOWIKAMIKWA KÁ MASINAHIKÁTÉKI KINATAWÉNITAMWAK TA:

1. Wicicikémáciik óki Ininiwa ta kisténitakik éko ta mino wicéwitocik ta kaskitáciik táti tipasowátisocik otiténitamowiniwáw éko ta níkanascikátéki mino kákihiótowin, pikiskwéwina éko nistom pimácihona oté isi kiskinawámákéwinik, notonikéwin éko ta isi itócikátéki kiskinahótinikéwina;
2. Pétáciik anihí Ininiwi kiskénitamowina, pikiskwéwina, kayité isicikéwina, ká isi kinawápacikátéki éko ká isi ápatakí anté óma kiskinawámákéwina éko ká isi kiskinawámákániwaki;
3. Ayamihistakik natonikéwina éko kiskénitamowina ká wítakik kayásk ácimowina éko anohc ká isi ánisó pimotatáciik opimácihowiniwáw ókik Ininiwak;
4. Nahisícikániwak awasimé ta isi wéci ápacitániwaki anihí ké isi paminikawiyán, paminikéwina éko ké isi nátamáciik ókik ininiwak oskátisak, ta kécináhonániwak óma ité éko anihí kékwána ká kiskinawámáciik é minotákoninik óma ité ta isi nahi kisítotakik anihí okiskinawámákawiniwáw;
5. Mamawasinahakik ókik okiskinawámawáwak ta wéci átotéciik anté anima káwi nóté isi kiskinawámáciik ókik ká natawi natoni kiskinawámáciik oskátisak;
6. Ta ositániwaki kiskinawátowikamikwa nété kititáwinik ká kinawápatik ité ká isi pimácihonániwak, ta kisténicikátéki nistom pimácihona éko éká awiyak ta nisitawénicikénimit pakwanta;
7. Nakakascikátéki éko ká isi kinawápacikátéki oko Ininiwi kiskinanatowikamikwa éko tánisi óki sápo kiskinawámákéwina ká isi itócikániwaki é mino itócikániwaki inikok ta ká kítitáciik ta kaskitáciik anihí anté káki pitokéciik;
8. Ta nókótániwaki ókik ká isi kiskénitakik éko ká isi kaskitáciik kékwán ókik ká kiskinawámáciik éko ká isi kiskinawámákéciik ókik ininiwak;
9. Ta nókótániwaki ókik Anisinápéwak, Éskínéwak éko Ápitawikosisának kákipé isi nistom pimácihocik anté anima ká wí isi kiskinawámákániwak éko ati otináciik otatoskénákana ká kiskénitakik ékwéniw éko ékoté isi wíkwak ta itócikáwinaki kékwána; éko
10. Wicicikémáciik Kici Wanasowéwikimáwak éko ká masinahikéyáciik otatoskéwa íspík ká kítitáminit okiskinawámákawiniwáw ókik anisinápéwak.

Ókik tipinawé ká masinahikik owínowiniwáw óma óta káwi ati isicikániwak masinahikan. Nititapinán ókik nanátok isi sápo kiskinawámátowikamikwa, kita mámahókamák isinákocikéwina, ta wanastániwaki éko kawisk ta nákcicikátéki anihí natocikéwi masinahikana, ké isi paminikátéki éko ké isi nókótániwaki óta óma kiskinawátowikamikok éko óta otitáwiniwák óma ininiwi kiskénitamowina é kiskinawámákániwaki inikok ta mino kákihiótowin.



Mr. Mark Frison, *President*
Assiniboine Community College




Mr. Ken Cameron, *President*
Manitoba School Boards Association



Dr. David T. Barnard, *President and Vice-Chancellor*
University of Manitoba



Dr. Gervan Fearon, *President and Vice-Chancellor*
Brandon University




Mr. Paul Vogt, *President and CEO*
Red River College



Dr. Annette Trimbee, *President and Vice-Chancellor*
University of Winnipeg




Dr. Cheryl Pauls, *President*
Canadian Mennonite University



Dr. Gabor Csepregi, *President*
Université de Saint-Boniface



Mr. Paul Holden, *President and CEO*
Manitoba Institute of Trades and Technology



Mr. Konrad Jonasson, *President and Vice-Chancellor*
University College of the North